

**Uunga siunnersuut: Ineqarnermut tapiissutit pillugit Inatsisartut inatsisaat nr. xx, xx
2014-imeersoq (Ilaqtariinnermut Inatsisinillu Atuutsitsinermut Naalakkersuisoq)****Saqquummiusissut**

(Ilaqtariinnermut Inatsisinillu Atuutsitsinermut Naalakkersuisoq)

Siullermeerneqarnera

Naalakkersuisut matumuuna ineqarnermut tapiissutit pillugit inatsisartut inatsisissaattut siunnersuut nalunaarutitalik saqqummiuppaat.

Attartukkat ilaannut, ass. ineeqqamut attartukkamut ineqarnermut tapiissutit annerpaaffilerne-qartariaarullugit ineqarnermut tapiissutit assigiinngiaartinneqarsinnaanerannut periarfissaqar-nerunissamik kissaateqartoqarnera siunnersuuteqarnermut tunuliaqutaavoq.

Attartortitsisut inissiat attartortittakkat akisoorujussuutinnerisigut aningaasaqarnikkut iluanaa-rujussuarsinnaatinneqarfigisaannik malittarisassani atuuttuni naapertutinngitsoqarpoq.

Naalakkersuisut isumaqarput ineqarnermut tapiissutit pillugit malittarisassat atornerlunneqar-sinnaasariaqanngitsut. Ineqarnermut tapiissutit inatsimmi siunertarineqartumut, tassa inuit ineqarnermut akiliisinnajumallutik ineqarnermut tapiiffigineqarnissamik pisariaqartitsisut ikiorneqarnissaannut atorneqassapput.

Attartukkanut immikkut ittunut ineqarnermut tapiissuteqartarneq politikkut sammineqarsi-maqaq. Tassunga ilanngullugu Atassut Inatsisartut upernaakkut ataatsimiinneranni ineeqqa-nut ineqarnermut tapiissuteqartarnerup qanoq killilersorneqarsinnaanera pillugu Inatsisartut aalajangiiffigisassaatut siunnersuuteqarpoq. Taamaattumik Atassutip upernaakkut ataatsimiin-nermi siunnersutaanik pingaartitsiviusumik ineqarnermut tapiissutit pillugit inatsimmik nu-taamik saqqummiisinnaaneq Naalakkersuisunit nuannaarutigineqarpoq.

Naalakkersuisut taamaalillutik malittarisassat atornerlunneqarnissaannut tunngavissaq nalunaarutikkut peerpaat. Allannguinikkut ilimagineqarpoq attartortitsisut ineqarnermut akiliuti-nik appaanissamut attartukkamilluunniit pitsangorsaaniissamut kajumilersinneqarsinnaassasut. Ineqarnermut tapiissutit qaffasinnerpaat inatsisissatut siunnersuuteqarnikkut attartortunut nammineq igaffeqarlutillu uffarfekartunut tunniunneqarsinnaassapput. Nammineq igaffeqara-nilu uffarfekanngikkaanni ineqarnermut appasinnerusunik tapiissuteqarnissamut periarfissa-qassaaq.

Taamatut oqaaseqarlunga saqqummiussissut Inatsisartunut oqaluuserisassanngortippa.